

枕碧樓叢書

第五冊

大興徐氏舊鈔本

刑統賦解

四庫全書總目提要

刑統賦二卷

兩淮鹽政
採進本

宋傅霖撰霖里貫未詳官律學博士法家書之存
於今者惟唐律最古周顯德中竇儀等因之作刑
統宋建隆四年頒行霖以其不便記誦乃韻而賦
之併自爲注晁公武讀書志稱或人爲之注蓋未
審也其後注者不一家金泰和中李祐之有刪要
元至治中程仁壽有直解或問二書至元中練進
有四言纂注尹忠有精要至正中張汝楫有略注

並見永樂大典中此本則元祐中東原鄒氏爲韻

釋按趙孟頫原序但其鄉人王亮又爲增注然於稱鄒君不著其名

霖所自注竟削去之已非完本亮注亦類皆剽襲

前人無所發明且傳寫譌誤第四韻第七韻內脫

簡特多殊不足取

鐵琴銅劍樓藏書目錄

刑統賦解二卷

舊鈔本

題元左宣德郎律學博士傅霖撰

東原鄒

韻釋益都王亮增注有趙孟頫序案是書已

見晁氏讀書志則題爲元人者非鄒下原闕一字其中


解曰云云出傅氏自註歌曰云云是鄒氏韻釋增註曰

云云出自王氏敏求記謂延祐丙辰刻本者當卽是書

惟後無李方中韻釋耳舊爲倦圃藏書後歸海盜查氏

邑中張氏

卷首有曹溶構李曹氏藏書印臣名
岐昌字曰藥師得樹樓藏書諸朱記



刑統賦四卷宋史藝文志不知作者晁公武讀書後志
著錄二卷云皇朝傅霖撰或人爲之注予錄卷與晁氏
同古林曹氏藏本也刑統定於周顯德四年命侍御史
張湜太子右庶子劇可久等十人編集兵部尙書張昭
遠看詳進呈凡二十一卷竇儀重加詳定增益九卷當
日言律令格式之煩期于省文達理成書霖乃撮其要
旨作賦而自解其義又東原鄒某每聯譔四言歌以括
之前有延祐三年趙孟頫序言其大略其後益都王亮
復爲增註大抵傳鄒皆宋人而亮則元人也世儒以趙

序加於長孫无忌等唐律三十卷之前遂疑疏義爲霖
等所注誤矣霖自題左宣德郎律學博士未審宋何朝
人朱彝尊跋

聖人作刑以明威所以儆媮暴而全民性也舜命皋陶期于無刑法制之立欲民知所懼而不犯故明罪一作罰

勅法在易爲雷電震曜之象聖人忠厚之意至矣呂刑之作起於周衰子產鑄書識者譏焉亦皆出於不得已也秦漢以降科條日繁下逮隋唐比例愈密柴氏有國

爰命臣下刊爲刑統或者以其一作爲文義簡古可亞六

經治獄之吏咸所誦習實百代不易之典夫愚民雖無

知終不敢蹈水火觸豺虎者知其爲已害也律令格式

之文動踰千萬參比議論一作聽之則纖粟易差老於文

案者或莫盡識故科制雖詳猶有冒憲網罹禁辟者政以義例深晦未能盡知耳傳霖檠爲詞賦已爲利益東原郅君又從章析而韻釋之律義昭燦灼然明白其隱恤之念蓋以綱維政治推廣古人忠厚之意其用心亦仁矣昔九鼎鑄而民不逢神姦春秋脩而亂賊懼是書流行搢紳得之罔有輕重出入之失黎庶得之自無抵冒觸犯之辜將使化淳俗厚一作美馴致刑措者繫是書之助故爲敘其大概云延祐三年正月集賢學士資德大夫趙孟頫序

宋史藝文志刑統解四卷不詳作者姓名晁公武讀書
後志著錄者二卷云皇朝傅霖撰或人爲之注則傳乃
宋人非元人也趙文敏序云東原郅君章析而韻釋之
而不稱載其名則郅必元人竹垞概以爲宋人者亦訛
此本爲古林曹氏藏本甲午五月余從西吳書估購得
之初白老人查慎行志



周顯德五年七月編大周刑統二十一卷頒於天下宋
初猶行之至建隆四年二月工部尙書判大理寺竇儀
言周刑統科條繁浩或有未明請別加詳定乾德四年
三月大理正高繼申言刑科敕律有錯誤條貫未周者
凡三事一在職制律一在斷獄律一在名例律請檢尋
刊正於是有重定刑統之作其後熙甯四年二月檢正
中書房公事曾布言刑統刑名義理多所未安又駁其
乖舛凡百餘事紹聖元年九月宰臣章惇等復請申明
刑統律令事蓋其書採掇唐開成編敕大中統類周廣

順編敕諸書而成遞加刪定條制愈密故終有宋之世
用之不改此賦彙括其詞編爲韻語雖未可據爲典要
然原書久佚猶可藉之以見梗概向者烏程嚴鐵橋同
年言孫淵如先生家有此賦予購之數年未獲今漢陽
葉潤臣得舊鈔於廠市亟錄副帙並跋而歸之道光已

亥十月北平徐松記

右刑統賦二卷從刑書會據中錄出

刑書會據明彭應弼撰以卷端有舒

化等重修問刑條例題藁故明史及明史藁均題舒化撰誤也

前後既無序跋亦不列

作者姓名故人鮮知之間有知者亦疑其非全書無復措意壬寅夏余方撰律學攷諦審得之曰此傅霖所作刑統賦也其四言則郊氏所作韻釋也其注則晁公武所謂或人爲之而益都王亮所增也賦凡八韻依宋志當作四卷依晁氏郡齋讀書志當作二卷然晁書在前又按朱彝尊所錄古林曹氏本卷數與晁氏同故定爲二卷既從曝書亭集得朱彝尊跋一首復從張氏愛日

精廬藏書志瞿氏鐵琴銅劍樓藏書目得趙孟頫原序
及查慎行跋各一首而是書燦然頓還舊觀不可謂非
好事也傳霖里居世旣未詳據朱跋謂其自題左宣德
郎律學博士趙氏原序所謂東原郗君不著其名故自
來著錄家皆闕之惟述占堂書目作秉原秉東字形相
近當是傳鈔所誤錢氏所藏爲延祐丙辰刻本今依錢
氏題作秉原 四庫提要謂延祐中東原郗氏爲韻釋
其鄉人王亮又爲增注而朱跋稱益都王亮故知郗亦
益都人也又 四庫提要謂是書傳寫譌誤第四韻第

七韻內脫簡特多張氏藏書志亦謂第四韻已囚而竊則親等他人下原脫十句第七韻雖戲雖失而不從戲失下脫二十句第八韻親故乞索不論於挾勢上脫十六句此本均不脫句但譌誤字多延祐刻本旣不可見曹氏所藏卽朱本所從出據瞿氏書目今歸其家卷首有曹溶樵李曹氏藏書印臣名歧昌字曰藥師得樹樓藏書諸朱記何日買棹虞山當取一校之光緒壬寅九月冒廣生記